



Uunga
Inatsisartunut ilaasortaq
Debora Kleist
Inuit Ataqtigiit

28-11-2017
Suliap nr.: 2017 -
23659
Akt. id. 6676240

Video atorlugu killisiuisarnek il.il. pillugit Inatsisartunut ilaasortap Debora Kleistip Inuit Ataqtigiinneersup apeqqutaanut § 37-237-mut akissut:

Video atorlugu killisiuisarnek il.il. pillugit apeqqutinut nassiussannut qujanaq.

Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut Naalakkersuisoqarfik § 37-237-imut akissuteqarniarluni Justitsministeriaqarfiup ilassutissaanik pissarsiniarsimavoq. Justitsministeriaqarfik Rigsadvokati aqqutigalugu Kalaallit Nunaanni politiit oqaaseqartitsivoq.

Postboks 260
3900 Nuuk
Oqarasuaat (+299) 34
50 00
Naqitanik
nassitsigasuaat +299
34 66 66

1. Meeqqat kinguaassiutitigut kanngutsaatsuliorfigineqarsimasut videokkut Politiit apesorneqartarnerata piffissaritaasup iluani eqqutinneqartanninnerat pillugu Naalakkersuisut qanoq iliuuseqarniarpat?

Kalaallit Nunaanni politiit imaattumik akissuteqarput:

"Aallaqqaasiullugu oqaatigissavara meeqqanik video atorlugu killisiuisarnek pillugu Kalaallit Nunaanni eqqartuussisarnermut inatsimmi aalajangersakkamut piareersaatit malillugit killisiuineq sapinngisamik piaarnerpaamik, tamannalu atortutigit pisinnaappat, sapaatip akunnerata ataatsip iluani meeqqanik video atorlugu killisiuineq pisussaammat. Taamaakkaluortoq Kalaallit Nunaanni Politiit ullut arfineq-marluk ingerlaneranni meeqqanik video atorlugu killisiuinnermut atatillugu arlalitsigut unammilligassanik ajornartorsiuteqarput.

Politiinut nalunaarutiginninnermiit meeqqap video atorlugu killisiorneqartussap video atorlugu killisiorneqarnerata tungaanut piffissap sapinngisamik sivikinnerpaaffissaminiitinneqarnissaa Kalaallit Nunaanni Politiit iluminni anguniagaraat. Tamanna, atortutigit pisinnaappat, illoqarfinni anginerusuni ullut arfineq-marluk iluanni meeqqamik video atorlugu killisiuinissaq anguniarneqarpoq.

Tamatumunnga atatillugu oqaatigissavara, illoqarfinni nunaqarfinniluunniit video atorlugu killisiuiffiusinnaanngitsuni, nalunaarutigineqartut ilaat immiunneqartarmata. Silamik, atortunik inunnillu angallassinermi periarfissat il.il.eqqarsaatigalugit video atorlugu killisiuinissamut atortunik nassiussiniarneq ullormik ataatsimik periarfissaqarluni qaqutiguinnaq – pisinnaassaguniluunniit – pisinnaasarpoq.

Tamatumunnga aamma pissutaaqataavoq Kalaallit Nunaanni Politiiniit video atorlugu killisiuisussat najukkami politeeqarfinni ulluinnarni ingerlatsinerimi suleqataammata tassunga ilanngullugu upalungaarsimasuullutik. il.il.

Suliassani taaneqartuni utaqqisarnerup appartinneqarnissaa siunertaralugu Kalaallit Nunaanni Politiit taakkunannga "suligasuartussanik" pilersitsiniarlutik aalajangerput taakkualu video atorlugu killisiorneqartussat amerlassusaat sapaatiit akunnerisa amerlanngitsut iluanni suliassanut 20-nut appartinneqarnissaat anguniassavaat. Taamaalilluni video atorlugu killisiorneqarnissaminut utaqqisut amerlassusaat 2017-imi decembarip qiteqqunnerani ikeleriangaatsiarsimanissaat naatsorsuutigineqarpoq. Suliassat pisoqaanerit sapinngisamik piaartumik suliarinissaat aamma Kalaallit Nunaanni Politiiniit ukkatarineqarpoq.

Kalaallit Nunaanni politiit politeeqarfiit nammineq nakkutiginnittarnerminnut najoqqutassaat naleqqussaleruttorpaat. Tassunga atatillugu video atorlugu killisiuisarnerit nakkutigineqartarnissaat najoqqutassani immikkut immikkoortortalerneqassaaq, tassanilu politeeqarfinni politiit aqutsisuisa ulluinnarni ingerlatsinerimni video atorlugu killisiorneqarnissamut utaqqisut amerlassusiisa qanoq ilillutik pitsaanerumik ataatsimut isiginnittalernissaat, qanorlu illugu video atorlugu killisiuinerit isumannaarneqartarnissaasa ukkatarineqarnissaasa qulakkerneqarnissaat isumaliutigineqassaaq.

Nammineerluni nakkutilliineq pillugu najoqqutassanik naleqqussaaneq 2017-ip naalernerani naammassineqassasoq naatsorsuutigineqarpoq.”

Meeqqamik video atorlugu killisiuineq pillugu allagaq Justitsministerimut Søren Pape Poulsen-imut 1. november 2017-imi nassiuineqarpoq. Meeqqat kinguaassiutitigit atornerlunneqarsimasut pillugit suliani piffissaq qisuariarfiususaaq qanoq iliorluni pitsanngorsarneqarsinnaanersoq pillugu Naalakkersuisut allakkami pineqartumi ilisimateqqupput. Matumani maani Kalaallit Nunaanni ullut arfineq marluk pillugit malittarisassanik qanoq ililluni eqquutsitsinissaq qularnaarneqassanersoq ilanngullugu.

Akissummini 20. november 2017-imeersumi Justitsministeri apeqqummut uunga akissutigineqartup assinganut innersuussivoq.

2. Meeqqat sakkortuumik taama nalaataqarnerisa nalaani ikiorsiinissat allat suleqatigalugit Naalakkersuisut qanoq pilersaaruteqarfigaat?

Kalaallit Nunaanni politiit imaattumik akissuteqarput:

”Ilisimatitsissutigissavara meeqqanik angerlarsimasoqartillugu angerlarsimaffinni eqqissiviillioqartillugu Kalaallit Nunaanni Politiit isumaginninnermi oqartussaasunik ilanngutsitsisarmata, taamaalilluni isumaginnittoqarfiup akisussaasup meeqqap soqutigisai isumaginiassammagit.

Politiit taamatutaaq isumaginninnermut oqartussanut nalunaaruteqartarput, assersuutigalugu meeqqat pinerlunnernik iliuuseqarsimatillugit, imaluunniit meeqqanik naammattuuisimatillutik, tassani naammattuukkat isumaginninnermut oqartussanik ilanngussinermik kinguneqartariaqarnerannik politiit naliliisimatillugit, taamaalilluni oqartussaasut taakku isumaginninnikkut ikiuinissamik

aaqqissuussisinnaaniassammata, tarnip pissusaanik ilisimasalinnik ikiorneqarnermik il.il.."

Isumaginninnermut Aqutsisoqarfimmi Isumaginninnermut, Ilaqutariinnermut, Naligiissitaanermut, Inatsisinillu Atuutsitsinermit Naalakkersuisoqarfiup ataaniittumi Qitiusumik Siunnersuisoqarfik inissisimavoq.

Saaffik Qitiusumik Siunnersuisarfiup ataaniippoq, tassanilu angalaqatigiittartoqarpoq, taakku suliaasaralugu nuna tamakkerlugu meeqqanik inuusuttunillu kinguaassiutitigut atonerlunneqarsimasunik katsorsaanissaq. Kinguaassiutitigut atonerluisoqarsimatillugu sulianut atatillugu najukkani ilaqutariinnik sullissiviit upalungaarsimatitaasa nukittorsarneqarnissaat Saaffimmiit ukkatarineqarpoq.

Tamatuma saniatigut oqaatigineqassaaq Naalakkersuisut Inatsisinut atuutsitsinermit suliaasaqarfimmi periusissatut suliniutissatullu pilersaarutaat saqqummiunneqaqqammermat. Meeqqat toqqissisimasumik peroriartornissaat Naalakkersuisunit annertuumik pingaartinneqarpoq taamaammallu periusissatut suliniutissatullu pilersaarummi meeqqat inaarlitsaaliniarlugit suliniuteqarnissaq ukkanneqartorujussuuvoq.

Suliniut MANU 2018-imi annertusineqassaaq. Angajoqqaat navianartumiittut peqqissumik misigissuseqartumillu meeqqaminnut attaveqalernissaasa ilinniartitsinikkut ineriartortinneqarnissaat, taamaalilluni angajoqqaatut piginnaasaasa nukittorsarneqarnissaat, suliniummi siunertaavoq. Angajoqqaat peqataasinnaasut angajoqqaaniit 0-9-nut qaammatilinnik meerartalinniit angajoqqaanut 0-2-nik ukiulinnik meerartalinnut ilaneqassapput.

Tamatuma saniatigut kinguaassiutitigut atonerluinerit akiornialugit suliniutinik ataatsimoortunik tamanut isiginnittunik tamatumunngalu tulluarsagaasunik suliniuteqartoqarpoq, tassani pitsaaliuinerit suliniutigineqarnerat ukkatarineqassalluni. Taamaalilluni aallaqqaammut meeqqat atonerlunneqarnissaraluat pinngitsoortinneqarniarpoq.

3. Video atorlugu apersuinermit atortorissaarutit sumi pigineqarpat?

Kalaallit Nunaanni politiit imaattumik akissuteqarput:

"Video atorlugu killisiuinermit atortorissaarutit 6-nik Nuummi sinerissamilu illoqarfinni tallimani agguarsimasunik Kalaallit Nunaanni Politiit maannakkorpiaq pigisaqarput. Taamaalilluni illoqarfiit Qaqortoq, Tasiilaq, Sisimiut, Aasiaat, Ummannaq Nuullu tamarmik ataatsimik tiggummiarput. Oqaatigineqassaaq video atorlugu killisiuinermit atortorissaarutit Sisimiuniittoq maannakkorpiaq ajoquteqarmat, tassa assiliivittaanut marluusunut ledningit ajoqusersimmata taakkuali ajoqutaat aaqqinniarlugit sulisoqarpoq.

Danskit politeeqarfiini meeqqat illuini killisiuiffiusussatut aaqqissuussani video atorlugu killisiuineq pisarpoq. Taamaattumik Kalaallit Nunaanni illoqarfinni arlaqartuni meeqqanut illuliortoqarnissaa Kalaallit Nunaanni politiit kissaatigaat, taakku meeqqat kinguaassiutimikkut atonerlunneqarsimasut il.il. video atorlugu killisiorneqarnissaannut atorneqarsinnaassallutik. Tamanna pillugu politiit

kissaatigineqarpoq minnerpaamik kommunini illoqarfiit pingaernerit meeqqat illoqartariaqartut, imaappoq Qaqortumi, Sisimiuni Ilulissanilu meeqqat illoqartariaqarput. Nuummi meeqqat ilussusnaanik pilersitsinissaq maannakkorpiag sulissutigineqarpoq.

Video atorlugu killisiuinermi atugassanik avatangiisinik sapinngisamik tulluarnepaanik nassaartoqarnissaa Kalaallit Nunaanni Politiini video atorlugu killisiuisartut eqqumaffigisorujussuaat, kommunillu aallartitaat najukkanilu politeeqarfiit oqaloqatigineqarnerat aallaavigalugu ininik toqqaasoqartarpoq.

Video atorlugu killisiuinerit ilaatigut inini kommunip atukkiussaani ingerlanneqartarput, nunaqarfinnilu video atorlugu killisiuinerit atuarfinni inini imaluunniit allaffittut sanaartukkani ingerlanneqartarlutik. Allani inissiat atorneqanngitsut killisiuiffiusarput ilaannikkullu hotelini init video atorlugu killisiuinermi atorneqartarlutik.

Suliat ilaanni video atorlugu killisiuisartuq meeqqap illoqarfigisaanukarluni imaluunniit nunaqarfigisaanukarluni video atorlugu killisiuiartortarpoq, sulianili allani meeraq angajoqqaatut sinniisumik ilaqartillugu illoqarfimmuut anginerusumut killisiuinermi peqataajartortillugu aallartinneqartarpoq.”

4. Katsorsaajartorlutik angalasartoqatigiit video atorlugu killisiuisinnaanermut periarfissaqarnertik ilisimavaat?

Isumaginninnermi Aqutsisoqarfimmeersut meeqqanik kinguaassiutimikkut atonerlunneqarsimasunik katsorsaajartorlutik angalasartoqatigiit politiit video atorlugu killisiuisarnerat ilisimaarivaat. Suliassanik nalunaarutigineqarsimasunik politiit misissuinerat apequtaatinnagu katsorsaajartortut meeqqanik oqaloqateqartarput.

Kalaallit Nunaanni Politiit akissummut imaattumik ilassuteqarput:

”Naalakkersuisut 2013-imi Angalaqatigiittartut pilersippaat, taakkulu tassaapput tarnip pissusaanik ilisimasallit inersimasunut meeraanermi kinguaassiutitigut atonerlugaasimanermi kingunerlutitsisunut katsorsaasartut. Kalaallit Nunaanni Politiit Angalaqatigiittartullu akornanni piffissami matumani suleqatigiittoqanngilaq. Video atorlugu killisiuinissamut politiit periarfissaqarnerat Angalaqatigiittartunit ilisimaneqarnera Kalaallit Nunaanni Politiit ilisimaneqanngilaq.

Ilanngullugu oqaatigissavara meeqqanik inuusuttullu politiit video atorlugu killisiuisarnerat pillugu apeqqut piffissami 1. -5. maj 2017 Rigsadvokatip Kalaallit Nunaanni politiinik nakkutilliartorluni tikeraarnerani Kalaallit Nunaanni politimesterimut oqaloqatigiissutigimmagu. Tamatumunnga atatillugu politimesteri ilisimatitsivoq video atorlugu killisiuinissamik suliassanut piffissarititaasunik politiit unammilligassaqtut. Tamanna tunngavigalugu Rigsadvokatip Kalaallit Nunaanni Politimesteri qinnuigaa video atorlugu killisiuinissamik suliassanut piffissarititaasut killiffiat pillugu 2017 naatinnagu erseqqinnerusumik paasissutisseqqullugu.”

Inussiarnersumik inuulluaqqusillunga



Sara Olsvig

Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut
Naalakkersuisoq